

UGOVOR
o osiguranju zaposlenika od posljedica nesretnog slučaja

Zaključen dana 07.03.2017. godine u Sarajevu između ugovornih strana:

Javna ustanova Terapijska zajednica - Kampus Kantona Sarajevo, Sarajevo, Rakovica, selo Kešelji bb, direktor Kenan Kestendžić (u daljnjem tekstu: Ugovarač osiguranja), s jedne strane
i
Bosna Sunce Osiguranje DD, ul.Trg Međunarodnog prijateljstva br.20 koju zastupa direktor Alen Hujčić (u daljnjem tekstu: Osiguravatelj), s druge strane

Član 1.

Predmet ovog ugovora je nabavka usluga osiguranja zaposlenika 24 sata bez vremenskog i prostornog ograničenja od posljedica nesretnog slučaja u skladu sa prihvaćenom ponudom broj : 1753377 Osiguravatelja od 06.03.2017.godine koja je sastavni dio ovog Ugovora.

Član 2.

Definicije u Ugovoru su:

Osiguranci: Zaposlenici zaposleni kod Ugovarača osiguranja.

Korisnik osiguranja: Zaposlenik kojem se vrši isplata osigurane svote.

Osigurani iznos: Iznenadni i od volje osiguranika nezavisni događaj koji se desi pri vršenju ili izvan vršenja redovnog zanimanja (24 sata dnevno), a ima za posljedice osiguranikovu smrt usljed bolesti (prirodna smrt), smrt usljed nesretnog slučaja, posljedice trajnog invaliditeta, dnevna naknada (za boravak u bolnici) i troškovi liječenja zbog posljedice nesretnog slučaja.

Član 3.

Ugovorena premija osiguranja iznosi 4,85 KM mjesečno, po svakom zaposleniku Ugovarača osiguranja.

Ugovorne strane saglasne su da su osigurane sume za mjesečnu premiju za osiguranje zaposlenika od posljedica nesretnog slučaja Javna ustanova Terapijska zajednica - Kampus Kantona Sarajevo u iznosu od 4,85 KM po zaposleniku slijedeće:

Osigurane sume u KM					Mjesečna premija po osobi u KM	Godišnja premija po osobi u KM
Smrt usljed nezgode	Smrt usljed bolesti	Trajni invaliditet	Dnevna naknada (za boravak u bolnici)	Troškovi liječenja		
35.000,00	3.500,00	70.000,00	12,00	5.000,00	4,85	58,20

Ukupno ugovorena premija osiguranja na godišnjem nivou za 74 (**sedamdesetičetiri**) zaposlenika Ugovarača osiguranja, u vrijeme zaključivanja ovog Ugovora, iznosi: **4.156,45 KM** (slovima četirihiljadetinašestdeset i 45/100 KM).

Član 4.

Plaćanje isporučenih usluga će se izvršiti u četiri jednake rate u iznosu od: 1.039,11 KM (slovima jednahiljadatridesetdevet i 11/100 KM), po potpisanom Ugovoru i ispostavljenim fakturama, najkasnije u roku 15 dana od dana prijema iste, putem JRT Kantona Sarajevo na žiro račun Osiguravatelja Intesa Sanpaolo banke 1541032000550132

Član 5.

Eventualne promjene broja i imena osiguranika će biti prijavljene osiguravajućoj kući u roku od 10 (deset) dana od dana nastanka promjene po bilo kom osnovu – osiguranje pokriva period od dana nastanka promjene, a ne od dana dostavljanja obavijesti. Osiguranje obuhvata nezgodu na poslu i van posla, punih 24 sata dnevno i 7 dana sedmično bez teritorijalnog ograničenja.

U slučaju da se desi osigurani slučaj Osiguravatelj je obavezan da isplati:

- cijelu ugovorenu osiguranu sumu kada kao posljedica nastupi smrt Zaposlenika,
- cijelu osiguranu sumu ako osigurani zaposlenik umre prirodnom smrću nakon 6 (šest) mjeseci od početka osiguranja, a pola osigurane sume ako smrt od bolesti nastupi u prvih 6 (šest) mjeseci trajanja osiguranja,
- cijelu osiguranu sumu za slučaj invaliditeta, ako usljed nesretnog slučaja kod zaposlenika nastupi potpuni invaliditet, a procenat od osigurane sume koji odgovara procentu invaliditeta i vrsti povrede, u skladu sa uslovima za osiguranje lica,
- zaposleniku naknadu za vrijeme boravka u bolnici prema iznosima koji su ugovoreni u trajanju do 200 (dvijestotine) dana,
- stvarne i nužne troškove liječenja ukoliko su posljedica nesretnog slučaja do ugovorenog iznosa.

Član 6.

Rok isplate osigurane sume ne može biti duži od 30 (trideset) dana od dana prijave osiguranog slučaja sa kompletnom dokumentacijom, u skladu sa Zakonom i uslovima osiguranja lica. Osiguranje važi od 00,00 sati dana koji je početak osiguranja, a prestaje u 24,00 sati dana koji je u polici naveden kao dan isteka osiguranja.

Član 7.

Za osiguranje zaposlenika Ugovarača osiguranja od smrti uslijed bolesti, smrt usljed nezgode, trajnog invaliditeta usljed nezgode, naknade za boravak u bolnici i troškove liječenja, Osiguravatelj će izdati Ugovaraču osiguranja **policu osiguranja**, a u skladu sa ovim Ugovorom. Polica osiguranja iz prethodnog stava čini sastavni dio ovog Ugovora.

Član 8.

Sume osiguranja i premije osiguranja ugovorene su u KM.

Član 9.

Ugovor se zaključuje na period od godinu dana, odnosno na period počev od 07.03.2017. godine do 07.03.2018. godine.

Član 10.

Sve eventualne nesporazume po ovom ugovoru, ugovorne strane će rješavati u duhu dobrih poslovnih odnosa, a ukoliko to nije moguće ugovorne strane priznaju nadležnost Općinskog suda u Sarajevu.

Član 11.

Na odredbe ovog Ugovora, kao i za sve što nije regulirano ovima Ugovorom primjenjivat će se odredbe Zakona o obligacionim odnosima FBiH.

Član 12.

Ovaj ugovor je sačinjen u četiri (4) istovjetna primjerka od kojih svaka ugovorna strana zadržava po dva (2) primjerka.

Ugovarač osiguranja:



Osiguravatelj:

Bosna Sunce Osiguranje dd
Podružnica Sarajevo
Direktor
Alen Hujć

Broj: 1753378
Sarajevo, 07.03.2017.god.

